



Broj: 04-16-4-11218-6/14  
Sarajevo, 16.12.2014.godine

Na osnovu člana 70. i člana 89. Zakona o javnim nabavkama Bosne i Hercegovine („Službeni glasnik Bosne i Hercegovine“ broj 39/14), ministar pravde Bosne i Hercegovine, donosi

### **O D L U K U**

#### **o dodjeli ugovora najpovoljnijem ponuđaču u predmetu nabavka opreme za uspostavu sigurnosnog područja za zaštitu tajnih podataka**

#### **I**

Dodjeljuje se ugovor ponuđaču „SWORD SECURITY“ d.o.o., Ulica Antuna Hangija broj 89, 71000 Sarajevo u predmetu nabavka opreme za uspostavu sigurnosnog područja za zaštitu tajnih podataka.

#### **II**

Ponuđač iz tačke I ove odluke dostavio je najpovoljniju ponudu, odnosno ponudio je najnižu cijenu u skladu sa članom 64. stav (1) tačka b) Zakona o javnim nabavkama Bosne i Hercegovine.

#### **III**

Odluka stupa na snagu danom donošenja i ista se dostavlja svim ponuđačima.

### **O b r a z l o ž e n j e**

Ministarstvo pravde Bosne i Hercegovine je 01.12.2014.godine, pokrenulo konkurentski postupak za nabavku opreme za uspostavu sigurnosnog područja za zaštitu tajnih podataka i izvršilo objavu na portalu javnih nabavki Agencije za javne nabavke BiH 04.12.2014.godine.

04.12.2014.godine upućeni su pozivi za dostavljanje ponuda slijedećim ponuđačima: „DSC“ d.o.o., Ulica Ante Fijamenga 14b, 71000 Sarajevo, „Delta Security“ d.o.o., Ulica Tromeda bb (PC Mališić), 88260 Čitluk i „Gama AA“ d.o.o., Ulica Bulevar Meše Selimovića broj 16, 71000 Sarajevo.

U ostavljenom krajnjem roku za dostavljanje ponuda pristiglo je četiri ponude i to od strane slijedećih ponuđača: „DSC“ d.o.o., Ulica Ante Fijamenga 14b, 71000 Sarajevo, „SIKRA SECURITY“ d.o.o., Ulica Jovana Bijelića broj 5, 71000 Sarajevo, „ZK OFFICE“ d.o.o., Ulica Vukovarska broj 38, 88000 Mostar i „SWORD SECURITY“ d.o.o., Ulica Antuna Hangija broj 89, 71000 Sarajevo.

Komisija za javne nabavke (u daljem tekstu Komisija) je pristupila ocjeni ponuda i utvrdila da dostavljene ponude od naprijed navedenih ponuđača ispunjavaju formalno pravne i tehničke uslove navedene u konkurentskom zahtjevu i smatraju se prihvatljivim, osim u slučaju ponude ponuđača „SIKRA SECURITY“ d.o.o., Ulica Jovana Bijelića broj 5, 71000 Sarajevo, koja se takođe smatra prihvatljivom ali sa ispravkom ukupne zbirne cijene ponude.

Naime Komisija je prilikom evaluacije ponude ponuđača „SIKRA SECURITY“ d.o.o. Sarajevo utvrdila da ukupan zbir cijene ponude ne odgovara zbiru pojedinačnih stavki iz dostavljenog obrasca za cijenu ponude, sabiranjem pojedinačnih iznosa iz obrasca za cijenu ponude se dobije zbirni iznos u visini od 22.809,69 KM bez PDV-a, što je u suprotnosti sa iznosom koji je naveden od 21.477,69 KM bez PDV-a. U skladu sa navedenim Komisija je uputila zahtjev broj: 04-16-4-11218-5/14 od 15.12.2014.godine ponuđaču za ispravkom ukupne cijene ponude u iznosu od 22.809,69 KM bez PDV-a.


Ponudač „SIKRA SECURITY“ d.o.o., je 16.12.2014.godine dostavio ispravku jedinične cijene u stavci 9. obrasca za cijenu ponude, gdje isti tvrdi da je došlo do njihove greške prilikom sabiranja, odnosno ispravna cijena pojedinačne stavke iznosi 666,00 KM bez PDV-a tj., 1.332,00 KM bez PDV-a, a ne kako je upisano prvobitno u iznosu od 1.332,00 KM bez PDV-a tj., 2.664,00 KM bez PDV-a.

U skladu sa članom 17. stav (5) Uputstva za pripremu modela tenderske dokumentacije i ponuda ("Službeni glasnik BiH" broj 90/14 od 18.11.2014.godine) Komisija nije mogla prihvatiti ispravku jedinične cijene stavke jer se ista ne smatra računskom greškom, odnosno ne može se ispravljati.

Shodno navedenom, Komisija je prema utvrđenom kriteriju najniže cijene preporučila ministru pravde Bosne i Hercegovine (Zapisnik broj: 13.5-16-4-11219-1/14 od 15.12.2014.godine u prilogu), da se u predmetu nabavka opreme za uspostavu sigurnosnog područja za zaštitu tajnih podataka, donese Odluka o dodjeli ugovora ponuđaču „SWORD SECURITY“ d.o.o., Ulica Antuna Hangija broj 89, 71000 Sarajevo, čija cijena ponude iznosi 21.874,25 KM bez PDV-a (slovima: dvadesetjednihiljadaosamstotinasedamdesetčetiri i 25/100 KM).

Uzimajući u obzir naprijed navedeno, odlučeno je kao u dispozitivu Odluke.

**Pouka o pravnom lijeku:** svaki ponuđač koji ima legitiman interes za konkretan ugovor o javnoj nabavci i koji smatra da je Ministarstvo pravde Bosne i Hercegovine u toku konkretnog postupka dodjele ugovora, prekršilo jednu ili više odredbi Zakona o javnim nabavkama i/ili podzakonskih akata, ima pravo uložiti prigovor ministru pravde Bosne i Hercegovine na postupak u pisanoj formi, u roku određen članom 101. stav d) Zakona o javnim nabavkama Bosne i Hercegovine od dana kada je primio Odluku, odnosno Obavještenje o rezultatima.



Dostaviti:

- Ponuđačima,
- a/a.